

萬
歷
會
計
錄

萬曆會計錄卷之二十三

宣府鎮目錄

屯糧

民運

附屯運改措

鹽引

附鹽課

京運

撫賞

馬價

俸糧

附料草冬衣布花

修邊

倉庾

職儲

鎮餉額

原額

官軍壹拾伍萬壹千肆百伍拾貳員名

馬伍萬伍千貳百柒拾肆匹

屯糧貳拾伍萬肆千餘石

民運本色米麥貳拾柒萬石○折色銀陸萬兩

鹽貳拾萬引

京運銀伍萬兩

見額

主兵官軍柒萬玖千貳百伍拾捌員名

比原額
減柒萬

於肆員名。

馬騾駝驢叁萬叁千壹百肆拾柒匹頭隻

比類

貳萬貳千壹百肆拾柒匹頭

屯糧壹拾叁萬貳千叁拾捌石貳斗叁合陸勺

○折色銀貳萬貳千捌百貳拾陸兩壹錢柒分捌釐玖毫

民運折色銀柒拾捌萬柒千貳百叁拾叁兩貳錢捌分柒釐陸毫零

淮蘆鹽壹拾肆萬伍千壹百壹拾叁引零該銀伍萬捌千貳百玖拾玖兩壹錢貳分叁釐伍

毫

引比原額增壹萬伍千壹百壹拾叁引

○河東運司鹽價銀柒萬陸千柒百柒拾

兩伍錢陸分

京運年例銀壹拾貳萬伍千兩

連下客兵共

比原額增貳拾肆萬伍千兩

客兵

期遣不常無定數

淮廬鹽柒萬引該銀貳萬陸千陸百兩

京運年例銀貳拾萬伍千兩內除改撥大同鎮

銀叁萬肆千兩外實撥銀壹拾柒萬壹千兩

沿革事例

屯糧

正統間屯地肆萬陸千陸百餘頃屯糧貳拾伍萬肆千餘石其時止有屯田一種爾後因失額則有團種驛傳公務功臣香火地畝新增等地糧皆以其時所清理者名之至與屯田並列其實皆屯也隆慶初通計共地肆萬柒千餘頃本折糧至貳拾貳萬有奇視原額幾復至於今歲徵即有不齊亦不大相遠云

正統拾叁年巡撫羅亨信奏抽選屯軍肆千捌拾

名操備內有丁者就種原田供給不支月糧無
丁者支與月糧仍撥軍項補屯種今查虛報者
多合無覈實先補壹半尚書金灑覆令同侍郎
劉璉查勘續奏將原選備操共項補旗軍餘丁
伍千肆百叁拾肆名各令屯種

本年萬全都司王良等奏宣府前等壹拾伍衛
叁所收到各色子粒共貳拾伍萬肆千叁百肆
拾肆石肆斗壹升除存留種子捌千陸百玖拾
壹石貳斗伍升外將前糧折細共壹拾肆萬柒
千伍百捌拾伍石內給軍食用糧壹拾萬叁千

貳百捌拾肆石餘糧肆萬肆千叁百壹石

拾肆年巡撫羅亨信題宣府前等壹拾捌衛所
屯軍種地肆萬肆千玖百玖拾伍頃叁人家丁
寄莊人戶種地壹千陸百壹拾柒頃壹拾捌畝

玖分因虜寇到於土木保安懷來等處殘擾無
收請暫蠲免尚書金濂覆行侍郎劉璉督同萬

全都司管屯官員查勘

此時屯地共計肆萬陸千陸百壹拾柒頃壹拾

捌分

景泰貳年尚書金濂題今歲雨足草茂行令鎮巡
等官摘撥官軍採打仍省令軍民廣收青草搬

入附近城堡設遇馬草不敷給價與彼收買是

年昌平侯楊洪題稱採打過草束肆百萬肆百

陸拾束

每束重拾伍斤

本年定襄伯郭登奏達賊殘掠屯軍缺少牛種尚書金濂覆差郎中楊鏞領銀於山東買牛壹萬伍千隻山西布政司官庫支銀壹萬兩糴買種子給與各軍秋成依價還官

本年侍郎劉璉題順聖川一帶近被達賊侵犯原牧馬匹俱往口南去訖要令衛所築立屯堡耕種起科尚書金濂覆查得順聖川雖係永樂

年間牧馬草場原係洪武初年各衛屯種之數
歲約收糧肆拾餘萬足發宣府官軍壹年支用
行令總兵巡撫等官照舊屯種壹年之後照數
起科仍添設山西屯田副使專理

時添設副使王亮

本年副使王亮勘奏本川堪種地共叁萬伍千
陸百陸拾餘頃分作叁段各築城堡招取丁多
田少人戶住種照依民田則例納糧尚書金濂
覆止令總兵等官曉諭有力軍民之家就近入

川耕種免其子粒候邊情寧靖另行處置

順聖川洪

武初年保安右衛及大同府衛軍民於內住種
辦納稅糧子粒永崇拾柒年令尚書趙瑚勘得

本川東西長壹百肆拾里南北東各瀾叁拾里
西瀾陸拾里中瀾肆拾里荒地壹萬貳千陸百
玖拾頃熟地貳萬柒百玖拾頃將前軍民盡行
起那各處安插於本川起蓋馬房牧馬正統拾
壹年內官徵英奴又奏行程逐年川內住種
軍民盡行牧馬差御史劉克彥主事林兆會勸
仍給軍民任根
兒等於內耕種

本年兵部侍郎商輅題宣府懷來等處田地多
被在京功臣占作莊田及彼處勢要占種乞選
差能幹官員會同都御史等官查理將查出田
地分派各守城堡軍士定為貳班上班陸日照
例操守下班陸日盡數耕種候收成之後併力
備禦若原係起科田土亦酌量從輕起科尚書

金灑覆 准

伍年巡撫李秉題宣府沿邊空閑田地俱被勢
要占據乞行查撥軍士給與牛種尚書張鳳覆
令督同山西管糧貳司清查將原操軍士每名
量給叁拾或肆拾畝不妨操守仍於萬億庫內
每名給銀壹兩伍錢買牛布種免其償還秋成
行糧口糧住支

陸年巡撫李秉題正統拾肆年逆虜犯順直搗
順聖川馬房一帶

朝廷追惜往事不必再行在此牧馬乞委官丈勘

除見納子粒及領牛種收餘糧買馬外其餘每
畝起科叁升肥饒者伍升未開墾者召人承佃
起科仍立屯堡量撥官軍令其不妨耕種遇警
固守尚書張鳳覆 准

天順捌年尚書張鳳覆郎中龐勝等呈將順聖川
地起科屯種奉

聖旨順聖川西城地都做屯田不許諸人占種欽此
隨將宣府前衛牧馬軍餘叁千名每名撥地伍
拾畝納糧叁石草柴束伍分餘召軍民承佃
成化元年都御史葉盛奏報買補官牛伍千柒百

貳頭并處農器子粒摘撥軍人於順聖川各路
團種計墾地肆千壹百陸拾玖頃收糧柒萬貳
百貳石貳斗玖升零買馬壹千伍百壹拾玖匹
收到藁秸除飼牛外尚餘捌萬玖千壹百伍拾
陸束每束重拾柒斤易銀貳千伍百貳拾兩肆
錢柒分又衛所公務牛肆百捌拾肆頭地叁百
陸拾壹頃捌拾伍畝糧捌千玖百伍拾貳石壹
斗貳斗驛站公務牛玖拾伍頭地玖拾貳畝糧
壹千捌百壹拾貳石陸斗叁升以備公用

貳拾壹年總督余子俊議將順聖川并各路城

堡田地逐一丈量係團種者起科糧叁升草壹斤其公務驛傳及多餘者亦科糧叁升有草者照前徵草每歲將團種并多餘地內量撥糧叁千石折筭萬億庫官銀買補官馬其公務驛傳地糧亦照前易銀專備公用

貳拾貳年巡撫李岳等奏要將收過團種田糧盡行買補馬匹尚書殷謙覆查得團種租糧壹拾萬叁千柒百伍拾叁石伍斗除先收陸萬壹千伍百柒拾貳石給放官軍其肆萬貳千壹百捌拾壹石伍斗准易銀買馬

弘治貳年尚書李敏覆都御史李介題順聖川等處田地先年巡撫葉盛設置官牛農器種子撥軍於順聖川各路團種易銀買馬又奉

憲廟勅諭此法行之既良宜著立定規不可輕易改廢近年尚書余子俊將團種軍人掣往順聖川操守牛具賣銀還官地土起科納糧參肆年間糧多拖欠馬多倒死以致各官節次奏復團種收糧易銀買馬因奉

詔書改納屯田子粒不敢更易奉

聖旨是地土准照舊團種欽此

本年尚書李敏題先據千戶彭山奏稱邊方守
臣占田數多已行巡撫并管糧郎中清查酌處
將鎮守分守監鎗守備等內臣總兵副叅遊擊
分守守備等武臣各量存留穀壹年用度餘俱
給軍屯種徵收子粒去後續據御史許銑陳言
宣大一帶

皇親功臣內臣莊田動百餘頃戍卒邊民地無立
錐欲行查出添撥屯田合無併行通查要見某
莊或係請給或原任遺占或係投獻明白奏

請定奪

捌年尚書葉淇覆主事李傑奏勘過四海冶成
熟地貳拾壹頃柒拾柒畝陸分每畝科糧叁升
該糧陸拾伍石叁斗貳升有零及勘得續開荒
地叁拾柒頃壹拾貳畝肆分內止有軍人孫振
等開墾成熟地拾頃壹拾陸畝該糧叁拾陸石
肆斗捌升餘俱不堪耕種合當除豁

拾年左侍郎劉大夏題將順聖川地土清查每
畝起科伍升尚書周經覆除屯糧團種原額外
量與餘田無過叁拾畝仍照尚書余子俊所定
每畝叁升起科

拾壹年尚書周經覆侍郎劉大夏條陳團種軍
人領田柒拾畝納糧貳拾餘石少者拾貳叁石
又係粗糧折細仍又歲支月糧壹拾貳石比之
屯軍領田伍拾畝月糧伍支輕重不均合行巡
撫查勘如團種一體征操仍支月糧若止領田
納租將月糧折支銀叁錢庶事體適均無得存
留本色備用

本年員外郎何文縉題清出順聖川餘地共捌
千貳百叁拾叁頃柒拾畝除撥補屯田并不堪
耕種免科外計堪種起科地共貳千捌百叁

伍頃捌拾伍畝尚書周經覆

准自拾貳年為始徵租糧捌千伍百柒石伍十伍升
草壹萬壹千叁百肆拾叁束

拾貳年巡撫馬中錫奏本鎮廩給原用倉麥近
有稻田叁頃陸畝米麥兼支今清出宣府西門
外并宣府驛貳頃草場水地共肆拾玖頃叁拾
叁畝陸分徵收大米應付省支倉麥充入軍儲
仍乞禁約勢要不許日後侵占尚書周經覆

准

正德肆年尚書劉璣覆兵部侍郎胡汝礪題丈量

過宣府地方公侯伯等官張懋等水旱莊田
拾陸處共地壹千捌百壹拾捌頃柒拾玖畝內
有糧地柒百貳拾肆頃柒畝無糧地壹千玖拾
肆頃柒拾陸畝奉

聖旨是公侯伯等官既有常祿在外莊田徒使利歸
佃戶家人見今邊儲缺少各官豈無憂國足證之
心查出地土着各照例起科附近衛所上納草去
管莊人役各家情願自種的仍以爲業不願的撥
與附近空閑舍餘人等種納俱量地厚薄定與則
例仍各照頃畝糧數明立案冊在官給與由

照待各邊查出地土都照這例行欽此 又文勘

過內外鎮守協守分守監鎗遊擊守備等官水
旱莊田壹百柒拾貳處該地玖百貳拾捌頃柒
拾伍畝陸分內有糧并公務銀地壹百肆拾伍
頃壹拾柒畝壹分無糧地柒百捌拾叁頃伍拾
捌畝伍分奉

聖旨是內外鎮守官朝廷重託各准與水地拾頃旱
地拾頃副總兵各減半分守并監鎗遊擊各旱地
拾頃守備伍頃原無的清出附近地照數撥與水
地壹頃折旱地叁頃原有的折筭與他俱免徵糧

着他養廉永為定例其餘自願佃種的照依前旨
依例起科多餘田土撥與空閑舍餘人等承種仍
各照頃畝糧數辦納稅糧明立案冊在官給與由
帖收照敢有不以違方軍儲為重奏討吞併的定
從降黜科道記着總部裏還行與各邊照這例行
欽此 又大勘過已故太監王瑾前造清泉時
恩武寺香火莊田坐落深井站順聖川等壹拾
柒處無糧水旱地共叁百捌拾玖頃陸拾肆畝
乞改為地畝可得細糧壹千肆百餘石尚書劉

聖旨這清泉時恩貳寺田地本為香火祭掃既僧徒多係避差軍餘香火不繼王瑾墳塋又離遠貳叁百里兩無實用况墳所已有莊田叁處今次查出無糧田土准作地畝名目就令原佃人戶改作寄莊名目種納革去管莊人役僧徒願種者照江南僧田事例若僧少地多佃種不及撥與空閑舍餘人等種納俱照地厚薄定與則例起科附近衛所上納仍照分定頃畝糧數明立案冊在官給與由帖收照如有恃頑阻撓的巡按管糧官嚴加究治以後若有再行奏擾的着通政司記着將抱本人

役徑送法司問罪定發邊遠充軍欽此

時恩寺莊田捌處地

貳百貳拾玖頃伍拾壹畝清泉寺莊田玖處地壹百陸拾頃壹拾叁畝王瑾墳在西山有弘教

寺并護墳麥莊板橋等莊叁處又丈勘過大隆福寺莊田坐

落宣府永寧保安等壹拾叁處無糧水旱地共伍百陸拾陸頃柒拾玖畝可得細糧貳千餘石

奉

聖旨宣府邊方重鎮糧草常至缺乏膏腴田土却為僧寺影占數多這大隆福寺田地原在邊關之外曾經殺死僧人剝脫衣帽被姦細裝僧入境及僧人催租犯禁冒越邊關遺患壞法好生不便今次

查出無糧田土准改作地畝名目就令原個人戶
改為寄莊名目種納革去管莊人役僧徒願種者
照江南僧田事例若僧少地多佃種不及撥與附
近空閑舍餘人等俱照地厚薄定與則例起科附
近衛所上納仍照分定頃畝糧數明立案冊給與
由帖備照如有恃頑阻撓的巡撫巡按管糧官嚴
加禁治以後若有再行奏擾的着通政司記着將
抱本人役徑送法司問罪定發邊遠充軍欽此

伍年員外郎高選呈萬全左等處衛屯糧比照
大同事例不分新舊每石俱銀叁錢折收出給

官軍俸糧亦參錢折放本部依擬覆 准

拾年總督叢蘭題先該戶部題查得弘治拾壹年巡撫孟春奏內屯糧尚有實徵壹拾叁萬肆百貳拾伍石因何至今僅有陸萬肆千之數其無徵屯糧銀兩查有奉何事例除豁今奉

旨查勘得宣府實徵屯田地畝糧陸萬玖千柒百陸拾石團種買馬地糧壹拾萬陸千貳百石折細糧伍萬玖千石本部覆

准將團種細糧伍萬餘石改入軍儲每年候解繳通關到部就於京運年例銀拾萬兩內摘撥貳萬

兩解發都司收貯扣作馬價若糧有災傷蠲免
未完其前銀仍照數扣除

嘉靖貳年給事中王瑄題稱巡撫李鐸清出隆福
寺地壹千餘頃清泉時恩貳寺地叁百捌拾玖
頃欲查照

大明會典及太清觀奏爭永安莊軍屯事例每寺給
與陸拾畝其餘退出給軍佃種起科尚書孫交
覆奉

聖旨這些寺地土每留與叁分之壹供奉香火其餘
俱召人佃種照畝起科欽此

本年巡撫李鐸題本鎮舊額屯糧陸萬貳千叁
百貳石屯草玖萬貳千壹百肆拾束秋青草柒
拾肆萬伍百伍拾束今新增鎮守等官退出地
叁百壹拾壹頃捌拾伍畝該細糧壹千壹百陸
拾陸石及量增起科地糧肆百肆拾壹石共壹
千陸百捌石收入軍儲

陸年尚書梁材覆御史李宗樞題本鎮屯田團
種貳頃共糧壹拾壹萬伍千肆百貳石其草束
近議折豆務要本色上倉不許擅收折色銀兩
致滋他費

拾壹年歲徵屯田團種地畝等項糧草折草豆
共計壹拾捌萬肆千伍百叁拾伍石零

拾貳年御史李朝綱題本鎮除馬價京運朋合
外有公務驛傳新增餘地稻田及官店課程賊
罰共銀壹萬伍千餘兩除官店課程叁千餘兩
并稅契引錢以備賞功優恤公費等項尚餘銀
壹萬兩可發修邊糴穀備荒之用或將所折銀
兩停止仍照地畝糧數上納穀豆可得壹貳萬
石尚書許讚覆令彼處撫按等官查處具奏
拾陸年武定侯郭勛奏部本鎮歲入屯糧陸萬

貳千叁百貳石屯草壹拾伍萬陸千壹百捌拾
束秋青草陸百叁拾伍萬叁千捌百貳拾束團
種糧伍萬叁千貳百石團種草伍萬叁千柒百
餘束折色屯草肆千陸百肆拾叁束每束折銀
壹分

貳拾壹年巡按御史譚學題秋青草錢壹歲扣
除軍士月糧至拾分之貳乞要禁革尚書李廷
相覆行巡撫管糧衙門查勘奏請定奪

貳拾肆年尚書王暉覆給事中李文進條奏將
總兵副叅遊守等官養廉餘地盡行查革撥與

軍餘佃種應徵子粒俱送軍儲倉收貯以補屯

田原額之數

近來諸臣恣意虛糜柴燭調和歲過千兩宴會紙劄更加幾倍官員

遷轉折給軍夫公差往來監與路費其他賞犒作典無名浪費莫可數計乞行鎮巡管糧等官務要撙節除引米課程賦罰徒工銀兩已足公用不致廢禮外將養廉餘地歸之月糧磨朋草錢歸之馬匹尖丁料銀歸之勾造小衙帶皮歸之倉廩倘有仍前那用雖有支給得以法論

參拾壹年巡撫劉墾奏報本鎮團種地捌千伍百參拾肆頃肆拾柒畝零該徵粗糧壹拾萬陸千貳百石折細伍萬參千壹百石穀草伍萬參千柒百束每束折豆伍升共豆貳千陸百捌拾

伍石

參拾貳年總督蘇祐題團種地土不係戶部額
田乞照舊徵收本色易銀買馬尚書方鈍覆據
諸司職掌田制盡歸戶部前項團種原係額田
還照原議每年繳有實收通關到部方發銀兩
易買馬匹

本年總督蘇祐題驛傳等田催科不時致缺支
用尚書方鈍覆將公務驛傳及餘地新增地本
折糧米令照夏秋貳稅及時運赴軍儲倉萬億
庫交納仍隨屯田糧草一體比較以濟官吏孤
老驛傳之費扣出稻米壹千壹百壹拾伍石捌

斗壹升零官店課程銀叁千兩專備賞功支用
叁拾叁年巡撫劉廷臣題本鎮公務地陸百壹
拾壹頃捌拾叁畝收銀貳千柒百柒拾陸兩肆
傳地壹百陸拾玖頃收銀肆百壹拾伍兩餘地
壹千肆百玖拾壹頃捌拾柒畝收銀貳千貳百
玖拾壹兩新增地陸拾肆頃柒拾柒畝收銀貳
百伍拾叁兩近皆改入軍儲止有在前題

准官店課程銀叁千柒百玖拾伍兩陸錢柒分稻米
壹千壹百壹拾伍石捌斗并雇夫銀壹千伍百
陸拾叁兩陸錢不敷公用乞將前地銀兩仍歸

本鎮公費尚書方鈍覆將前項稻米及折收新
增餘地課程銀兩及稅引銀壹千餘兩俱聽該
鎮賞功等項支用其公務細糧肆千貳百壹拾
貳石草肆千壹百柒拾束驛傳細糧陸百壹石
并草折豆叁拾貳石仍入軍儲

本年歲入屯田團種等項糧并草折豆共貳拾
萬叁千捌百叁拾石草場子粒肆千柒百捌拾
叁石養廉子粒壹千伍百壹拾壹石

叁拾陸年總督楊順題添募南山聯墩軍貳千
名欲將近山空地或屯田撥令耕種免納糧草

尚書方鈍覆 准屯田地 畝照舊徵納糧草以
備主餉其山場開墾田土盡數編立字號每軍
撥伍拾畝耕種免納糧草作上半年本折月糧
下半年折色銀兩就於查出逃亡事故占詭名
下所遺糧石頂補

本年郎中冀鍊會計屯糧壹拾玖萬玖千貳百
伍拾貳石壹斗公務納糧肆千貳百壹拾貳石
肆斗叁升穀草肆千壹百柒拾束驛傳納糧陸
百壹石柒升草折豆叁拾貳石叁斗貳升共該
本色糧貳拾萬肆千玖拾柒石玖斗貳升草肆

千壹百柒拾束

肆拾年御史溫如璋清查該鎮屯田有地畝有
團種有牧地有公務驛傳有養廡共徵糧貳拾
壹萬肆千叁百玖拾餘石尚書高燿覆

准通入軍儲支用

隆慶元年實徵各色屯糧貳拾壹萬柒千壹百捌
拾壹石零

貳年尚書馬森覆御史周詠題清出先年功臣
莊田太監施捨各寺香火地土退還在官總計
壹千玖百貳拾伍頃伍拾玖畝叁分餘原徵銀

糧外新增稻糧柒石柒斗伍升粟糧捌千壹百
陸拾叁石貳斗伍升叁合玖勺各赴軍儲倉上
納候會計主餉扣算年例

肆年總督侍郎王遴條陳均屯田等捌款尚書
劉體乾覆奉

聖旨依擬行欽此○一屯田原額陸千叁百伍拾玖
頃貳拾貳畝零今又有熟地肆千玖百壹拾叁
頃肆拾伍畝零短少并拋荒地壹千肆百伍拾
柒頃肆拾肆畝零原額糧柒萬叁千叁百玖拾
陸石陸斗捌升叁合柒勺今議將短少并拋荒

之數盡行除豁徵糧每畝在壹斗之下者仍照
舊納惟在壹斗之上者查照部議俱以壹斗為
則餘俱減除以今量見在地為主每戶給與紅
票壹張造寫地里鄰佑并開除減免緣由以準
紅牌事例如或屯地少屯糧多酌量改於地畝
糧內加派徵補○一團種原額地肆千陸百伍
拾肆頃貳拾玖畝零今丈有成熟地貳千捌百
伍拾玖頃短少并拋荒地壹千伍百肆拾頃玖
拾柒畝零原額糧叁萬捌千貳百叁拾叁石伍
斗壹升肆勺零今議徵糧亦以見在為主以

壹斗為則餘改於地畝糧內徵補○一功臣香
火新設新召原額地壹千玖百玖拾頃陸拾伍
畝零今丈有成熟地柒百叁拾陸頃叁拾伍畝
零短少并拋荒地壹千貳百伍拾肆頃叁拾畝
零該糧捌千柒石柒升貳合伍勺零疑即前屯
種之數或占據於勢要則曰功臣或投獻於寺
院則曰香火或因其拋荒而召人開墾則曰新
設新召但沿襲日久仍各存其名色將應納糧
石以壹斗為則俱如屯田團種之法○一地畝
起科新增牧地等項田土原額止叁萬壹千肆

百陸拾捌頃陸畝零今丈有成熟地叁萬玖千
叁百肆拾柒頃壹拾捌畝零比原額却多地柒
千捌百柒拾玖頃壹拾貳畝零原糧柒萬貳千
陸百陸拾陸石叁斗伍升零查得前地徵糧稍
輕故屯田團種原地理沒於此今將屯團功臣
香火新設新召遺下派徵不盡糧數於此贖補
外尚有應徵糧玖萬叁千捌壹石合無削去
瑣碎名目俱作地畝壹頃分別上中下叁等北
路苦寒稍減南路頗近腹裏量增東中西叁路
各仍其舊查照節年舊規本色米豆中半折色

依各城堡月糧則例各上納仍乞量賜本折蒸
派折色肆萬伍千本色肆萬伍千以蘇困苦給
票等項如前○一虛糧查得都司實徵冊內屯
田團種地畝等項粗細糧并草折豆在嘉靖拾
壹年共徵壹拾捌萬肆千伍百叁拾伍石有零
至嘉靖肆拾壹年又加徵貳拾萬玖千肆百玖
拾捌石有零然有名無實佔以拾年之內完過
糧數計之其多者猶不及叁分之貳餘皆逋負
合無斷以嘉靖拾壹年實徵壹拾捌萬肆千伍
百叁拾伍石之數為準分別等第通融派於今

丈過實在地土之上其加增糧數盡行除豁○

一贍軍地 國初班軍到伍厚者或貳拾畝參

拾畝薄者或肆拾畝伍拾畝給與養贍原無徵

糧如軍逃將地報官每分徵銀交原衛所為答

應公費久之皆迷其處軍種者不過拾之壹貳

合無將今查丈過上中下養贍地土更為地畝

一例徵糧以補屯田額數其原徵銀兩悉與除

豁○一拋荒地若不從輕議處則人決不樂種

合無將今查丈過荒地許各衛所州縣軍民人

等任其搶種初免徵次年量徵每畝黑豆伍合

叁年以後全徵每畝止於黑豆壹升但此項地
土乍有乍無似難收為軍儲合無行令各衛所
預備倉上納專聽撫臣經理以備賑濟○一公
務驛傳地原俱徵銀與餘地稅課等銀贖支為
應付賞功優恤操練等項公費後改徵本色糧
草至嘉靖肆拾壹年總督尚書江東題奉

欽依仍徵銀共叁千貳百伍拾餘兩以充公費今丈
得貳項地土亦有逃亡埋沒水衝沙壓不足原
額合無以今實在地數為準每畝徵銀伍分叁
分者照舊伍分叁分不許加增其公費如有不

足此在當事諸臣通融搏節

陸軍尚書王國光覆兵部主事薛綸條奏行令
巡撫等官查勘該鎮屯田如果虛報新增包賠
錢糧應與除豁其見徵屯糧較原額數少係豪
強隱占及逃亡荒蕪者設法清理開墾一切科
歛括剋之弊嚴行禁約

萬曆貳年尚書王國光覆總督方逢時題清過各
養廉地土內教場地叁拾壹頃壹拾畝行令總
兵退出操練其總兵舊例水旱地各拾頃今再
量留伍拾頃裁革多餘地柒拾陸頃貳拾壹畝

貳分副總兵舊例水旱地各伍頃內將水地壹
頃陸拾陸畝陸分折旱地伍頃今再量留水地
肆頃裁革多餘水地叁頃伍拾柒畝壹分零西
路副總兵照例旱地拾頃裁革多餘水地肆頃
壹拾貳畝旱地肆頃貳拾玖畝伍分北路副總
兵照例旱地拾頃裁革多餘地拾伍畝中軍坐
營比守備例旱地伍頃裁革餘地其各叅遊不
足拾頃守備不足伍頃及下西路叅守等官原
無養廉地土俱應補給就於附近裁革地內撥
補不足於各荒地照數開種操防各堡等官向

未有例然均有專城之責亦合量撥貳頃腹裏
者免給通將撥過地畝數目職名造冊咨部查
考

本年總督方逢時題實徵屯糧壹拾捌萬肆千
伍百叁拾伍石又開墾過荒地叁千肆百陸拾
貳頃叁拾貳畝起徵糧叁千伍百柒拾陸石銀
玖千捌百玖拾捌兩俱作主兵本折支用另有
沙薄及沿邊餘地壹千捌百柒拾貳頃零徵銀
壹千陸百餘兩收補官吏師生俸糧尚書王國
光覆查得宣府屯糧原額貳拾伍萬肆千叁百

肆拾餘石後因多寡虛實不齊至隆慶肆年侍郎王遴條奏始斷以嘉靖拾壹年實徵壹拾捌萬肆千伍百叁拾伍石之數為準今據前項正徵屯糧已足壹拾捌萬餘石尚有開荒餘地銀糧通計亦有肆萬餘石連前共有貳拾貳萬餘石幾復舊額合將正徵及開荒銀糧如數收備主餉其餘地折徵銀兩准作官吏師生俸糧仍行各邊屯田俱照宣鎮着實整理

伍年郎中劉思中冊報實徵屯糧壹拾捌萬捌千壹百壹拾壹石肆斗壹升捌合零地糧折銀

并給軍餘開墾過舊額新增等銀壹萬叁百柒拾捌兩伍錢伍分零

柒年郎中呂子桂邊儲簿報本色屯糧壹拾叁萬貳千叁拾捌石貳斗叁合陸勺折色銀貳萬貳千捌百貳拾陸兩壹錢柒分捌釐玖毫

民運

該鎮民運有米麥布花馬草於山東山西河南
北直隸田賦之內取給焉原用本色今皆折徵
惟布花例無腳價餘皆徵腳價與折色並運復
益以山東河南大名參處鹽鈔通計共柴拾捌
萬有奇為歲運之額

山東夏稅麥柒千陸百石夏布壹萬疋秋糧米
豆壹拾玖萬陸千叁百石秋布伍萬玖千疋綿
花壹萬伍千斤馬草壹拾萬束麥米每石折銀
壹兩內米叁千石係太倉改撥之數每石折銀

捌錢俱外加脚價銀貳錢布每疋銀叁錢綿花
每斤銀柒分草每束銀柒分每銀壹兩外加脚
價銀貳錢共折銀貳拾柒萬肆千貳百叁拾兩
戶口鹽鈔銀肆千柒百兩叁錢玖分捌釐玖毫
柒絲玖忽共銀貳拾柒萬捌千玖百叁拾兩叁
錢玖分捌釐玖毫柒絲玖忽

河南夏稅麥玖千伍百伍拾石夏布肆千肆百
壹拾捌疋秋糧米豆壹拾貳萬貳千柒百肆拾
石秋布肆千疋馬草壹拾萬束麥米每石折銀
壹兩內米壹萬石係太倉改撥之數每石銀捌

錢俱外加脚價銀貳錢布每疋銀叁錢草每束
銀柒分每銀壹兩外加脚價銀貳錢共折銀壹
拾陸萬柒千陸百柒拾叁兩肆錢戶口鹽鈔銀
肆千捌百壹拾貳兩捌錢捌分陸釐玖毫共銀
壹拾柒萬貳千肆百捌拾陸兩貳錢捌分陸釐
玖毫

山西夏稅麥壹萬陸千肆百伍石夏布陸千疋
秋糧米叁萬柒千石秋布壹拾萬貳千伍百疋
綿花貳萬貳千伍百斤麥米每石折銀壹兩外
加脚價銀貳錢布每疋銀叁錢綿花每斤銀捌

分共折銀玖萬捌千肆百叁拾陸兩

順天府馬草陸萬束每束折銀柒分每銀壹兩
外加腳價銀貳錢共折銀伍千肆拾兩

保定府夏稅麥壹千叁百伍拾石秋糧米壹萬
捌千貳拾石馬草陸萬束麥米本色叁分每石
折銀壹兩柒錢折色柒分每石折銀壹兩外加
腳價銀貳錢草每束銀柒分每銀壹兩外加腳
價銀貳錢共折銀叁萬壹千壹百捌拾玖兩伍
錢內除本色米價扣抵年例銀伍千貳百貳拾
玖兩玖錢外實民運銀貳萬伍千玖百伍拾玖

兩陸錢

河間府夏稅麥叁千柒拾伍石秋糧米壹萬叁
千肆拾壹石馬草柒萬束秋米本色叁分每石
折銀壹兩肆錢折色柒分與夏麥俱每石折銀
壹兩外加腳價銀貳錢草每束銀柒分每銀壹
兩外加腳價銀貳錢共折銀貳萬陸千壹兩陸
錢陸分

真定府夏稅麥伍千貳百柒拾石秋糧米壹萬
陸千石馬草壹拾萬束麥米本色叁分每石折
銀貳兩折色柒分每石折銀壹兩外加腳價銀

貳錢內秋米伍千石係太倉改撥之數亦本色
叁分每石銀貳兩折色柴分每石銀捌錢外加
脚價銀貳錢草每束銀柒分每銀壹兩外加脚
價銀貳錢共折銀叁萬捌千叁百貳拾捌兩捌
錢

順德府夏稅麥肆千貳百貳拾石夏布肆百疋
秋糧米壹萬貳千壹百伍拾玖石馬草柒萬束
麥米每石折銀壹兩內米貳千石係太倉改撥
之數每石銀捌錢俱外加脚價銀貳錢草每束
銀柒分每銀壹兩外加脚價銀貳錢共折銀貳

萬伍千貳百伍拾肆兩捌錢

廣平府夏稅麥肆千伍百伍拾石秋糧米貳萬壹千叁百石馬草柒萬束麥米每石折銀壹兩外加腳價銀貳錢草每束銀柒分每銀壹兩外加腳價銀貳錢共折銀叁萬陸千玖百兩

大名府夏稅麥玖千肆百石夏布壹千叁百疋秋糧米肆萬玖千伍百石秋布貳千疋馬草柒萬束麥米每石銀壹兩外加腳價銀貳錢布每疋銀叁錢草每束銀柒分每銀壹兩外加腳價銀貳錢共折銀柒萬柒千伍百伍拾兩戶口鹽

鈔銀貳千叁百肆拾伍兩柒錢肆分壹釐柒毫捌絲陸忽貳微共銀柒萬玖千捌百玖拾伍兩柒錢肆分壹釐柒毫捌絲陸忽貳微

以上通計夏稅麥陸萬壹千肆百貳拾石夏布貳萬貳千壹百壹拾捌疋秋糧米肆拾捌萬陸千陸拾石秋布壹拾陸萬柒千伍百疋馬草柒拾萬束綿花叁萬柒千伍百斤各折不等連腳價共折銀柒拾柒萬伍千叁百柒拾肆兩貳錢陸分戶口鹽鈔銀壹萬壹千捌百伍拾玖兩貳分柒釐陸毫陸絲伍忽貳微

通共銀柒拾捌萬柒千貳百叁拾叁兩貳錢
捌分

正統捌年尚書王佐會同大學士楊溥等議將山
西起運稅糧米麥豆叁拾貳萬石內改折伍萬
石每石折銀貳錢又將浙江蘇常等處存留本
色糧內改徵貳拾萬石每石貳錢伍分解部轉
解彼處糴買糧料使南方糧不陳腐北方民得
寬舒

拾貳年會派山西布政司本色糧貳拾萬石綿
布拾萬疋准小麥壹拾貳萬伍千石草柒萬束

山東布政司綿布捌萬疋綿花壹拾貳萬斤共
准米玖萬貳千石河南綿布拾萬疋綿花絨拾
萬斤共准米壹拾壹萬石北直隸順天等府共
本色米麥玖萬壹千捌百伍拾石

拾肆年本部題准山西起運人戶於鴈門以
裏收買米豆并草束運送懷安萬全左右蔚州
衛及宣府在城倉庫收貯備用內宣府并開平
龍門等倉夏稅等麥壹拾貳萬伍千石秋糧粟
米貳拾萬石穀草柴萬束

景泰貳年順天府東安縣里老樊泰等奏乞將草

東折納糧豆尚書金灑議擬本縣人民被賊遭

旱十分艱苦原擬草束願納本色者聽願納米

者每草壹束折納粟米伍升

內順天府起運雷家站草玖拾叁萬

柒千陸拾柒束准京場草壹百肆拾萬伍千陸百束保定府起運長安嶺草叁萬束准京場草伍萬伍千束河間府起運永寧草伍萬束准京場草柒萬伍千束懷來草貳拾捌萬叁千叁百叁拾肆束准京場草肆拾貳萬伍千束

成化陸年本部撥派山西布政司并順天等府起

運宣府稅糧共伍拾萬貳千伍百餘石

拾捌年會派山西布政司稅糧料豆共貳拾陸

萬捌千伍百石綿布玖萬柒千疋綿花伍萬斤

共准米拾萬伍千肆百石馬草玖拾萬束山東
布政司糧料貳拾柒萬貳千叁百石綿布陸萬
疋綿花絨伍萬斤共准米陸萬伍千石直隸真
定等陸府共糧貳拾萬玖百石

弘治叁年巡撫陳鉞題稱山東災傷起運邊糧乞
通徵柒錢以舒民力本部覆

准比照河南糧儲例徵玖錢真保定等處頗有收成
仍聽上納本色

肆年開平衛老疾總旗金永洪奏官軍折俸近
於京庫開支但委官運回錢鈔布疋盜賣侵尅

乞要附近開給本部覆

准自本年始將山東河南大名等府稅糧折布及戶口食鹽錢鈔撥解宣府內布壹萬捌千壹百壹拾捌疋錢叁百玖拾柒萬陸千伍百伍拾捌文鈔壹百玖拾捌萬捌千貳百柒拾玖貫

拾年巡撫劉璉題本部覆

准將山東河南北直隸原派大同稅糧叁萬肆百伍拾石改於宣府以便催徵

拾壹年左侍郎劉大夏題河南等處米豆折銀壹兩上納艱難本部覆 准除山西每石近改

徵銀捌錢外河南山東自本年為始照例量減
糧壹石徵銀捌錢伍分豆壹石徵銀柒錢伍分
正德八年巡撫劉璟題稱每年坐派各省起運本
錢秋糧折銀肆拾貳萬捌千捌百兩夏稅銀柒
萬貳千捌百壹拾伍兩馬草銀叁萬伍千兩叁
項共銀伍拾叁萬陸千陸百壹拾伍兩

捌年會派山西山東河南北直隸等司府起運
小麥柒萬壹千肆百壹拾伍石粟米肆拾壹萬
肆百貳拾石豆肆萬叁千陸百肆拾石柒
萬東布壹拾捌萬玖千陸百壹拾捌

疋花參萬柒千伍百斤

拾貳年會議題 准將太倉粟米改撥貳萬石

自拾叁年為始坐派山東叁千石河南壹萬石

真定府伍千石順德府貳千石俱每石折銀捌

錢解部轉送宣府

以後每年坐派米肆拾叁萬貳千肆百貳拾石

嘉靖叁年巡撫李鐸題稱額派山東山西河南北

直隸等司府夏稅秋糧料豆陸拾叁萬捌千叁

拾玖石柒斗草柒拾萬束布壹拾捌萬玖千陸

百壹拾捌疋花絨叁萬柒千伍百斤

陸年歲派山西山東河南北直隸司府州夏稅

秋糧料豆陸拾叁萬捌千柒拾伍石柒斗每石
折銀壹兩馬草柒拾萬束每束折銀柒分綿布
壹拾捌萬玖千陸百壹拾捌疋每疋准米壹石
小麥壹石貳斗花絨叁萬柒千伍百斤每斤准
米壹斗鈔壹百壹拾捌萬捌千壹百肆拾伍貫
錢貳百叁拾柒萬陸千貳百玖拾壹文俱本色
拾年歲派山東山西河南北直隸等司府稅糧
料豆伍拾肆萬柒千肆百捌拾石柒斗每石折
銀壹兩內粟米貳萬石每石折銀捌錢綿布壹
拾捌萬玖千陸百壹拾捌疋每疋折銀叁錢

花絨參萬柒千伍百斤每斤折銀捌分草柒拾萬束每束折銀柒分

參拾肆年總督許論奏改徵保定府本色糧伍千捌百壹拾壹石外折色銀陸拾陸萬柒百陸拾捌兩每壹兩加腳價銀貳錢共增銀壹拾貳萬壹千貳百柒拾陸兩玖錢叁分

參拾伍年會派各府折色銀柒拾捌萬貳千玖百壹拾玖兩壹錢壹分保定府本色糧伍千捌百壹拾壹石

至隆慶陸年俱同

萬曆貳年會派保定府本色米麥伍千捌百壹拾

壹石山西山東河南參省北直隸順天真保順
大河廣柴府折色糧草布花等項并腳價銀柴
拾捌萬貳千伍百捌拾肆兩肆錢捌分柒釐零
陸年會派山西山東河南順天真保順大河廣
柴府折色糧草布花鹽鈔等項并腳價共銀柒
拾捌萬柒千貳百叁拾叁兩貳錢捌分柒釐零
附改撥

弘治拾年侍郎劉璉題急缺糧草本部覆

准於河南山東北直隸折價解京草束內改撥壹百
捌拾肆萬叁千伍拾束零再將山西存留草拾

伍萬貳千束每束定銀伍分貳起共銀拾萬兩
撥運宣府交納

附完運

景泰貳年尚書金濂題

准行兵部於五軍等營次撥官軍內借倩肆萬名運
京倉米肆萬石赴懷來衛交收

參年巡撫李秉題乞措置邊儲尚書金濂覆

准差官設法雇覓車輛於通州倉支領糧料貳拾萬

石運宣府倉交收

每石給脚銀肆錢耗米貳升
不作正數每叁石蓋席壹領

於京倉原收折草銀內支
給不數於水運庫關支

嘉靖元年本部會議題 准將張家灣守凍漕糧

撥運宣府鎮柴萬伍千石以備主客兵馬支用

陸年又將至灣漕糧免其曬揚議處脚價運去

宣府拾伍萬石

差巡倉御史吳仲會同
郎中黃一道前去督理

貳拾年旱荒空運通州倉粟米拾萬石

貳拾貳年御史趙弘等題先奉

勅與郎中李廷馨空運糧米貳拾伍萬石今已運完

本部議各官區畫周詳人無遺弊似應旌獎題

奉

聖旨趙弘李廷馨各賞銀拾兩紵絲壹表裏欽此

內

府拾萬石大
同拾伍萬石

貳拾叁年給事中李文進條陳尚書方鈍覆

准宓運京通倉粟米共拾伍萬石

附價通倉叁錢壹分京倉貳錢玖分

貳拾玖年總督蘇祐題防秋錢糧不敷尚書李士翱覆 准於太倉見貯粟米發給拾萬石米
豆拾萬石運至懷來專聽督餉侍郎調度每糧
壹石加耗叁升內貳升准耗壹升作正上納每
拾石帶方蓆壹領

叁拾貳年總督蘇祐題乞宓運尚書方鈍覆

准將京倉稷粟米發宣府捌萬石大同柒萬石

宣大
宓運

自永樂宣德正統以前俱差侯伯侍郎都指揮
仲領官軍於通州倉關糧運去供給景泰初該
本部題行兵部量贖官軍肆萬員名於京倉支
糧肆萬石運至樞未倉收貯每年賞銀貳錢此
軍運例也後復它運將京城內外直抵直沽等
處官員軍民人家但有驢騾牛車都若非官借
運宜府官糧宜次驢騾中宜輛運糧宜拾貳石
賞布叁疋牛車宜輛運糧柒石賞布貳疋定限
運赴宜府倉收貯此車運例也成化拾玖年該
本部題議順天府并直隸保定等樹府共該叁
千玖拾陸里每里於通州倉平斛領運新鮮粟
米壹百石共該運叁拾萬玖千陸百石上戶運
貳石中戶壹石下戶伍斗大同上納每石給與
脚價銀貳錢仍於本戶該納存留稅糧內免其
伍斗通計脚價之費此民運例也成化貳拾壹
年該本部題宜運京倉糧豆陸萬石除軍民運
送外召商領運每豆壹石至大同鎮給與脚價
銀玖錢此商運例也本年加耗每糧壹石加米
叁月內壹升伍合准耗壹升伍合作正上納糧
至拾石帶運方准壹額各照數動支每運地拾

里給脚銀壹分貳釐居開關南北口等地方
屬山路再加銀壹分分於宣府於懷來倉收貯
共運貳百里每石定與脚價銀貳錢伍分分
大同者於宣府倉收貯共運叁百伍拾里每石
定與脚價銀肆錢叁分就於太倉銀庫動支額
支本色米准脚價者於太倉放給照依時價折
兩弄銀

叁拾叁年總督許論題官軍窮困本部覆

准先於居庸倉借支米且貳萬石暫濟窘急仍行京
倉動支粳米拾萬石黑豆伍萬石共拾伍萬石
仍照原議將柒萬石運至居庸倉內扣還原借
貳萬石之外尚餘伍萬石其捌萬石運至懷來
倉俱各收貯待發年例之日照數扣除仍將聽

選監生等項上納事例以為車脚之費米且每石加耗叁升內壹升伍合准耗壹升伍合作正每拾石帶方簾壹領

些拾伍年空運京倉新收稷米壹拾伍萬石於宣府內伍萬運至居庸拾萬運惠懷來

些拾柒年總督楊博條奏本部覆

准空運京倉粟米叁拾萬石於懷果等倉

鹽引

鹽引在前原不分主客通融無支嘉靖間始有
主引客引之額此外又有河東運司鹽課銀兩
則正德捌年所撥也今因之

景泰元年尚書金濂題

准開派淮浙長蘆鹽貳拾萬引內淮鹽每引米豆陸
斗浙鹽米豆肆斗長蘆米豆貳斗

貳年本部奏

准將正統拾肆年兩淮鹽開派陸萬引每引米豆陸

斗行令召商中納

泰年借撥淮浙常
股鹽壹拾陸萬引

成化玖年巡撫鄭寧咨稱糧草數少本部題

准將淮浙長蘆等運司見在鹽課共貳百貳拾肆萬貳千壹拾伍引開派宣府在城宣德等倉召商上納米豆草束

拾伍年郎中南釗奏稱獨石等處糧料數少本部覆 准開派河東官鹽叁拾萬引

弘治拾肆年開派長蘆鹽伍拾萬引

正德貳年開派淮蘆鹽貳拾萬引

嘉靖元年巡撫李鐸題傳報緊急聲息尚書孫交覆 准將兩淮額鹽壹拾伍萬引開派宣府召

商報中每引伍錢伍分又開派補蠲免淮鹽
萬陸千叁拾引壹百斤

叁年巡撫李鐸題稱預處糧料專備動調兵馬
本部覆 准將嘉靖叁年分額鹽兩淮陸萬引
每引定銀陸錢伍分兩浙叁萬引每引定銀肆
錢長蘆貳萬引每引定銀貳錢照依時價定擬
斗頭召商上納米豆收貯緊要城堡以備客兵
支用

肆年開派淮浙鹽叁拾陸萬引專備客兵及

京師人馬到日支用

伍年開派淮浙鹽壹拾玖萬柒千貳百玖拾引
玖拾捌斤共銀玖萬柒百壹拾陸兩以備緊急
客兵支用

柒年開派淮浙山東長蘆鹽貳拾貳萬壹千陸
百壹拾肆引共銀拾萬兩補足山西原派該鎮
民運

玖年戶科都給事中蔡經等題

准自嘉靖玖年為始每年額派兩淮鹽肆萬貳千引
長蘆鹽貳萬捌千引共柒萬引該銀貳萬貳千

陸百兩專備客兵支用

至今

拾年巡撫劉源清題歲用不敷銀捌萬玖千肆
拾伍兩尚書梁材覆准自明年始開派淮浙
長蘆鹽壹拾柒萬捌千玖拾引抵補

拾陸年本部題

准停止開派鹽引發京運銀補給

貳拾伍年尚書王杲題准原派補歲用不敷

鹽引不發派邊止開派銀伍萬貳千壹百伍拾

壹兩捌錢發京運銀貳萬叁千肆百伍拾叁兩肆錢零補足

叁拾年尚書李士翱題

准開派兩淮餘鹽并水鄉餘鹽引銀陸萬玖千柒百

肆拾伍兩伍錢扣抵年例

至參拾壹年止

參拾壹年本部題 准該鎮即今歲熟價平糧
草易買所議歲用不敷鹽銀合量樽節止開派
五萬貳千壹百伍拾壹兩捌錢

參拾肆年本部題

准宣府工本鹽引銀玖千柒百柒拾伍兩陸錢壹分
零改撥山西兩淮水鄉鹽引銀壹千叁百柒拾
貳兩肆錢貳分伍釐改撥遼東長蘆鹽引銀壹
千壹百玖拾柒兩改撥寧夏就將各鎮兩淮存
積鹽引銀照數撥補宣府

參拾捌年御史李秋題理鹽法以濟軍餉本部覆准行宣府督撫等官將節年開去未完鹽引斟酌時估量減斗頭趁時召納本色糧草分發各該城堡倉場收貯如果年荒虜警糧草價高道路阻塞准照先年遼東事例暫收折銀每銀壹錢外加腳價參分收候秋成糴買本色後不為例

隆慶參年尚書劉體乾題

准停止兩淮長蘆存積鹽銀貳萬陸千玖百陸拾玖

兩柒錢

增發京
運補數

肆年尚書張守直題

准開派淮蘆鹽引銀伍萬捌千貳百玖拾玖兩壹錢

原額鹽引銀陸萬叁千貳百貳拾玖兩壹錢內將淮鹽壹萬引換山西年例

伍年本部題

准開派淮蘆鹽引銀陸萬肆千貳百貳拾玖兩壹錢

零額該派伍萬捌千貳百玖拾玖兩壹錢因將長蘆節年錢鹽壹拾柒萬伍千引分作陸年

搭派至萬曆叁年止計搭叁萬引每引貳錢該銀陸千兩

附鹽課

正德捌年本部題

准將河東運司鹽課銀捌萬兩撥運宣府接濟

為額俱今

萬曆元年尚書王國光覆總督戴才題將河東運
司鹽課原解宣府銀內撥叁千貳百貳拾壹兩
肆錢改解延綏就於延綏該發主兵年例內照
數扣補

京運

該鎮主餉以前不過伍萬客兵取給其中嘉靖
元年始增陸萬陸年發客餉拾萬自後王客餉
日增矣肆拾伍年始定經制主以拾貳萬客以
貳拾萬伍千為額今同之其保定府民運本色
折銀伍千有奇用以抵補年例則自萬曆肆年
始

正統柒年巡撫于謙題山西百姓流移起運稅糧
減半運納乞將江南折糧銀發運該鎮預備邊
儲尚書王佐覆 准發銀伍萬兩

景泰伍年覆御史朱驥題趁時豐熟糴買加發銀
參萬兩共捌萬兩

成化參年尚書薛遠題預備邊儲發銀伍萬兩
玖年本部題

准各邊用糧浩大量加節縮止發銀參萬兩

拾伍年都御史張順題乞加添歲用銀數本部
覆 准除先發銀陸萬兩再摘撥銀伍萬兩

貳拾年止發銀參萬兩

弘治貳年都御史許進奏見差御史糴糧在庫銀
兩數少尚書李敏覆 准除預發肆年伍年銀

各伍萬兩外再發銀伍萬兩作陸年年例

伍年都御史楊溫題本鎮被災薄收乞速發銀
糴買尚書葉淇覆

准除先運銀壹拾柒萬餘兩外再發銀拾萬兩

拾肆年巡撫魏紳題山西民運本部覆

准加添年例銀伍萬兩於河東運司每年變賣鹽價
銀內支給共銀壹拾萬兩

拾伍年都御史劉聰題歲派糧米不穀歲用乞
要從長計議尚書侶鍾覆

准於年例拾萬兩外再添貳萬兩奉

聖旨是弘治拾陸年以後年例銀兩只照舊欽此

正德貳年都御史劉璟題乞要處置急缺濟邊銀兩尚書顧佐覆准添發銀伍萬兩

肆年尚書劉璣題會計邊儲將夏稅草價銀壹萬伍千餘兩再轉與銀共伍萬兩差官運送前去應用

拾陸年都御史李鐸題該鎮倉廩一空乞要多發銀兩本部左侍郎秦金覆

准動支抄沒銀陸萬兩肆萬兩作嘉靖元年年例餘

作例外補給

嘉靖元年給事中楊秉義題宣府公私田乏本部
覆 准發庫貯抄沒銀拾萬兩陸萬兩作年例
餘作例外補給

本年都御史李鐸題教場步軍擁衆討糧尚書
孫交覆 准發銀叁萬兩委主事壹員帶領赴
要緊城堡糴買本色米豆雜糧又發銀壹拾貳
萬伍千兩抵作河東運司未解鹽價其運司未
解銀兩及萬全都司事例銀肆千壹百壹拾伍
兩俱送該鎮准補元年蠲免伍分之數

陸年兵部咨本部議照嘉靖叁年事例差郎中

壹員例外發銀壹拾伍萬兩解送宣府相兼本色折放官軍月糧扣留本色糧草以備客兵支用止發銀拾萬兩

玖年巡撫劉源清題乞給銀趁時糴買尚書梁材覆 准止發銀拾伍萬兩內捌萬兩作拾壹年分年例餘柒萬兩借與山東准作嘉靖玖年

分糧價

因山東民運不至

貳拾年總督樊繼祖題乞完太倉糧米本部議得各運司解到鹽銀不多除先發肆拾萬兩外再發太倉庫貯折糧草銀動支叁拾萬兩又停

報虜情發銀貳千伍百玖拾伍兩伍錢差官解
送總督處聽其實賜帶去京營官軍支用

貳拾壹年總督翟鵬題調集八鎮之兵共足人
馬拾萬之衆請差戶部堂上官壹員量帶司屬
大破常格多齎銀鹽前來接濟本部議覆除先
發過帑銀叁拾萬兩修邊鹽引支出柒萬兩再
發銀拾萬兩解送總督處交割補還借過召募
賞功之數

貳拾貳年總督翟鵬奏稱黠虜伺境乞大破常
格再發銀兩本部行據銀庫員外郎趙統開稱

外庫止有銀捌萬兩委無別處將太倉老庫舊積銀壹百柒拾萬兩數內支出銀肆拾萬兩發運

貳拾陸年發防秋銀玖萬玖千玖百肆拾伍兩柒錢叁分又發銀貳萬兩聽京管官軍支用

貳拾柒年都御史孫錦題邊報不絕乞發銀兩以備召買部議先因修邊奏討銀兩內稱邊工完日容兵之費大減今修邊已完復又奏討前後奏題無實可據合於太倉銀庫動支壹拾捌萬兩運送以備召買容兵之用仍行督撫查勘

二年支剩見在數目奏報

貳拾玖年總督蘇祐題乞多發銀以備儲蓄本部發銀貳拾萬並解南京戶兵二部銀兩備用
叁拾年巡按御史胡宗憲題查勘新募永寧四海冶等處軍陸千名本部覆

准自本年始加添年例銀壹拾萬壹千貳百伍拾兩

通前年例共銀拾捌萬壹千貳百伍拾兩

本年總督蘇祐題抽補軍士叁千名乞發歲用銀肆萬柒千餘兩尚書李士翱覆增壹軍則多壹軍之費銀兩從何取給止發銀貳萬捌千肆

百伍拾兩准作叁拾年抽補軍士月糧布花之
用

本年巡撫劉墾題要多發年例本部覆

准止發銀貳萬伍千陸百伍拾肆兩

叁拾壹年總督蘇祐咨欠缺軍糧乞要處補尚
書孫應奎題 准該鎮支剽客兵餉銀壹拾貳
萬壹千叁百玖兩零內扣出柒萬叁千陸百兩
零以補叁拾壹年主兵年例并減派不敷鹽引
之數其餘銀兩收貯以備來年防秋支用

叁拾貳年管糧郎中范克濁呈請多發年例本

部題 准止發銀參萬伍千兩又貳次預發參
拾叁年年例銀陸萬兩

叁拾陸年巡撫張鎬題虜衆臨邊尚書賈應春
覆 准發銀壹萬貳百伍拾陸兩送鎮糴買糧
草專備虜寇困圍作月糧支給

本年總督楊順等題要將宣府召募添補軍士
貳千名馬貳千匹除草料就於額內取足外其
軍士糧餉布花等項仍乞照該鎮事例一體加
給本部議前項召募軍士合行督撫自柒月為
始至拾貳月止計下半年應支折色衣糧合於

該鎮多發馬匹銀內支給通候年終併入會款
本年總督江東題本部覆

准發銀叁萬叁千玖百壹拾兩零解送宣府召買糧
料草束或邊報寧息兵馬早掣支剩錢糧加意
節縮存貯下年支銷

叁拾柒年傳奉

聖旨朕聞大同今歲收熟米豆價平你部裏便發銀
拾伍萬兩都察院選差御史壹員作速管領前去
會同管糧郎中着實趁時糴買米豆分貯宣大各
緊要倉場備用所發銀兩即作叁拾捌年應發軍

餉之數不許妄費戶部知道欽此

分額萬兩宣府

兩

本年總督楊博題乞先發銀召買糧草本部覆
准發銀參萬兩專備獨石客兵支用

本年都御史葛守禮題本部覆議該鎮荒歉侵
涸糧草一時難以徵完合動支銀參萬肆千陸
百陸拾陸兩以補帶徵之數仍再動支參萬兩
以足額外伍萬之數通行併發

參拾捌年總督張松谷討年例尚書賈應春題
准於先發年例銀壹拾捌萬壹千貳百伍拾兩并剩

存客兵銀兩及收催解納民運錢糧通融接濟
止發銀貳萬伍千兩

肆拾年本部會計發銀壹拾貳萬柒千貳百貳
拾玖兩零以後

肆拾壹年本部會計該鎮見在糧草數多止發
年例銀壹萬兩

本年總督江東題今調守南山并候入援兵馬
共壹拾肆營以春秋兩防計筭乞添買糧草銀
兩本部覆

准動支太倉銀貳拾萬兩運送應用

肆拾伍年督撫趙炳然等題議定歲用年例尚書高燿議得該鎮兵需以肆拾肆年為準歲入之額多於歲支年例似當漸減覆

准每年發主兵銀壹拾貳萬兩定為經制

本年督撫趙炳然等題乞定經制尚書高燿覆准除額派鹽引價銀外將

欽買銀柒萬兩添發銀壹拾叁萬伍千兩共貳拾萬伍千兩定為客兵年例

隆慶元年總督王之誥題會計本年主兵錢糧尚書馬森覆准照舊發銀壹拾貳萬兩

本年總督王之誥題新添南山兵馬歲增行糧
料草本部覆 准仍照舊發銀壹拾叁萬伍千
兩與前預開鹽引價銀叁萬陸千陸百兩及
欽買銀米萬兩以備本年客兵支用

貳年發銀貳拾萬伍千兩以備客兵支用

參肆
年同

本年本部題 准量補蠲免民運銀壹拾陸萬
兩新募軍士銀捌千肆拾兩

肆年都御史龐尚鵬題尚書張守直覆

准將本鎮准鹽改撥山西每年將山西年例銀伍千

兩扣補本鎮

陸年總督王崇古題查得宣府自定經制後
臣節添募柴溝岔東南山岔西軍馬及摘選
兵合用糧料布花共該銀壹拾叁萬貳百貳拾
陸兩惟以經制為準免復增減本部覆稱據今
奏內量減腹裏軍士布花及沿邊墩哨鞋脚礮
兵歲用糧儲南山坐營等官廩給并南山軍士
輪班戍守營墩該班者准支行糧下班者免支
大約可省主餉銀捌萬有餘自隆慶陸年起以
後通行裁減准充柴溝等營增軍添馬未議增
餉之額若有多餘仍作下年支用

萬曆叁年尚書王國光題預發召買銀兩原因各
邊本色缺乏故趨秋解發以備緩急今宣大薊
永等鎮積蓄本色數多相應暫免發銀召買通
候肆年題發年例之日查照各邊額數一併解
運以省勞費以免糧草腐爛以後如一時本色
不敷聽督撫郎中等官即於見在銀兩隨宜動
支召買候本部解到銀兩照數抵補若無積貯
者預呈本部發銀糴買

捌年總督鄭洛咨稱標下左右貳營官軍馬騾
每歲約用客餉銀柒萬伍千兩除大同鎮該銀

參萬肆千兩外自本年為始每歲宣府鎮連舊
改撥銀共參萬肆千兩山西鎮改撥銀柒千兩
一併給發專備標兵支用日後移駐懷來改撥
銀兩即行停止尚書張學顏題

准

撫賞

嘉靖叁拾肆年都御史劉廷臣奏本部覆

准將該鎮見貯主兵銀內動支肆千兩買辦段絹布
疋等項聽撫賞各夷支用

肆拾叁年都御史李秋題該鎮叁拾柒年發撫
夷銀肆千兩已經用盡及稱屬夷增添并議加
給本部議夷人雖添撫賞銀兩例應主兵額內
通融支用難以加給

肆拾伍年都御史冀鍊題撫惠銀每歲以貳千
柒百兩為則叁歲共計銀捌千壹百兩乞要併

給本部覆

准行管糧官將見貯主兵銀內動支捌千壹百兩聽
備叁歲撫賞

隆慶貳年都御史王遴題本年新收車夷壹千玖
百叁拾名口乞照舊夷一體撫賞本部覆議撫
賞屬夷先年原無此例自嘉靖叁拾叁年以來
節該督撫

請討每年不過壹貳千兩今復新收屬夷撫賞比前
又加一倍主客銀兩倘若不敷前項銀兩遽難
添發既稱各夷聽命哨探姑准行管糧部

見貯主兵銀內照數動支轉發巡撫衙門聽備
叁年撫賞支用

伍年總督王崇古題主餉原有定額不得輕減
客餉專備春秋調遣虜既納款客餉所省甚多
撫賞必不可已本部覆

准每鎮每歲令於節省客餉內量動壹萬以備撫賞
支用

馬價

景泰元年本部題

准行該布政司將州縣收貯存留折糧及贓罰銀兩
量買馬匹不敷者呈兵部措置

正德貳年都御史車寔題勸借商人馬價要免給
散尚書顧佐覆咨行兵部發太僕寺銀叁萬兩
運送宣府補還以示勸商人

萬曆叁年總督方逢時題酌定貢市馬價規則以
垂永久尚書王國光覆查得叁鎮馬市始於隆
慶伍年總督王崇古題

准每鎮每歲於節省客餉內動支壹萬兩聽備互市
撫賞支用陸年覆兵部等衙門會議撫賞銀兩
如果不足每鎮再動節餘客餉銀各壹萬兩彼
時各鎮互市馬不過柒千餘匹共費銀止陸萬
兩萬曆元年本部議宣鎮減哨銀兩係正項軍
需以後聽管糧官扣留在庫至貳年該巡按陳
文燧題要將節剩客餉宣府動支叁萬兩大同
貳萬兩以充馬價市馬增至叁萬壹千餘匹又
經兵部覆

准於客餉內支用去後今各鎮馬額計叁萬肆千餘

匹較之初市幾至伍倍而馬價遂加至貳拾萬
萬餘兩將來何所底止合無以後馬市宣府以
壹萬捌千匹為率該銀拾貳萬兩除容餉并朋
合銀外少銀伍萬肆千兩於減哨并變賣馬價
內支用大同以壹萬匹為率該銀柒萬兩除容
餉朋合外少銀貳萬貳千兩照數給發山西以
陸千匹為率該銀肆萬兩除馬價朋合外少銀
伍千兩於積剩撫賞銀內動支奉

聖旨是這市馬既議定額數以後再不許加增欽此

俸糧

俸給則例

在城萬全都司并宣府前等衛所西路萬全石
等衛所都指揮使月支大俸伍拾捌石小俸貳
石○都指揮同知月支大俸肆拾伍石小俸貳
石○指揮使月支大俸叁拾貳石小俸貳石○
指揮同知月支大俸貳拾叁石小俸貳石○指
揮僉事月支大俸貳拾壹石小俸貳石○正千
戶月支大俸壹拾肆石小俸壹石○副千戶月
支大俸拾貳石小俸壹石○實授百戶月支大

俸捌石小俸壹石○所鎮撫月支大俸陸石小
俸壹石○試百戶月支大俸叁石小俸壹石○
至於壯路開平等衛所指揮壹員每月加銀壹
錢○千百戶鎮撫壹員每月加銀伍分○東路
永寧等衛所指揮壹員每月減銀貳分○千百
戶鎮撫壹員每月減銀壹分○南路蔚州衛廣
昌所指揮壹員每月減銀肆錢○千百戶鎮撫
壹員每月減銀貳錢○其總兵官係陞都督職
銜歲支俸糧係在京五府帶俸支給副叅遊擊
提備都司俱係別鎮官員陞轉及該鎮官員陞

檢俱於原衛帶俸造支○以上官員上半年大
俸每石折鈔貳拾貫每貫折銀叁釐內鈔壹半
每貫折銅錢貳文每錢柒文折銀壹分小俸壹
半折銀每石折銀肆錢壹半折布每石折布壹
疋每疋折銀貳錢伍分下半年大俸全折布每
石折鈔貳拾貫每貳百貫折布壹疋折銀貳錢
伍分小俸折支與上半年同

主兵月糧則例

各管壹等真夷每名月支本色米伍斗折色伍
斗照例折銀叁錢伍分馬匹料草春夏全給仍

每月給肉菜銀伍錢貳等通丁每名月支奉
米伍斗折色伍斗照例折銀叁錢伍分仍每月
給肉菜銀叁錢家口衆多至伍口以上者准收
幼丁糧壹貳口每口給米叁斗○主兵營通事
月支壹石伍斗○各衛所營堡旗軍月支壹石
叁斗有壹石貳斗有壹石或捌斗內延慶右衛
趙川堡有支壹石壹斗永寧衛有支柒斗者○
隻身軍月支陸斗○老弱軍月支伍斗○軍舍
月支肆斗伍升○孤老幼軍月支叁斗

主兵兼食行糧則例

四海治黑漢嶺堡平除月糧外支行糧壹石貳
斗壹升肆合叁勺○周四溝等堡軍月支壹石
貳斗○各城堡軍月支壹石有捌斗伍斗肆斗
叁斗貳斗壹斗○南山聯墩官軍自拾月起至
次年叁月止計陸箇月曠兵春秋兩防計伍箇
月每月每名伍斗伍升其曠兵歲用糧儲南山
坐營等官廩給自隆慶陸年題

准俱裁革南山軍士輪班戍守該班者准支行糧下
班者免支○以上官軍上半年陸箇月本折通
融支放內征哨并真夷通丁每名月支本色伍

斗雜差本色月支叁斗餘俱支折色下半年全
支折色如沿邊獨石馬營等壹拾壹堡每石折
銀捌錢龍門萬全右衛葛峪堡四海冶等叁拾
貳城堡每石折銀柒錢腹裏正兵等壹拾陸營
所每石折銀陸錢伍分保安新舊順聖川東西
壹拾伍城堡每石折銀陸錢惟真夷通丁下半
年折色每名亦月給本色伍斗餘支折色亦照
前項折給

客兵行糧則例

伏堡按伏截殺防守南山聯墩及陝西大同等

入衛兵馬如東路懷來駐劄宣府新遊兵與軍
門標下 神機等營延慶州駐劄宣府舊遊
兵并正兵貳營永靈城駐劄宣府奇兵營四海
冶駐劄宣府東路遊兵營岔道城駐劄宣府車
兵營保安新城駐劄大同東路遊兵營以上玖
管兵馬皆防守南山聯墩如保安舊城駐劄山
西援兵管防春冬箇月古北口駐劄止以防秋
冬箇月蔚州城駐劄山西正兵營東城駐劄山
西遊兵管西城駐劄大同西路遊兵營西路懷
安城駐劄大同正兵營以上伍管俱聽援薊鎮

貳項官軍俱春秋兩防計支陸箇月坐營千總
官每員日支廩米伍升把總官每員日支米叁
升管貼隊官旗軍人每員名日支行糧壹升伍
合

馬匹料草則例

客兵正馱馬每匹日支料叁升草壹束○主兵
管操馬騾駝每匹頭隻月支料玖斗草拾束○
驛遞馬騾每匹頭月支料玖斗驢每頭月支料
叁斗俱不支草○以上馬騾駝每年拾壹月起
至次年肆月止計陸箇月伍月陸月每馬月給

貼料銀叁錢如獨石馬營等壹拾壹堡料每石
折銀捌錢龍門萬全石衛葛峪堡四海冶等叁
拾壹城堡料每石折銀柒錢正兵等營并寧遠
站堡玖管堡料每石折銀陸錢伍分保安新舊
城并東西等貳拾叁城堡料每石折銀陸錢如
應支草俱每束折銀叁分伍釐

冬衣布花則例

萬全都司所屬各衛所堡正軍有家小者每名
支綿布肆疋隻身旗軍及巡管守門舖養馬看
倉看草老幼又病殘疾者每名支綿布貳疋夜

不收及常川守墩旗軍每名綿布肆疋綿花俱
支壹斤捌兩若有修守人犯去處照依減支事
例每名本色綿布叁疋折鈔壹疋綿花壹斤捌
兩其減除本色壹疋另添綿花捌兩給與修守
人犯其彰德懷慶河南弘農信陽等伍衛見在
操備過冬旗軍每名綿布貳疋綿花壹斤捌兩
其萬全都司宣府前等衛沿邊新舊輪班守哨
夜不收旗軍人等俱支本色綿布肆疋其永密
等鎮所屬衛所旗軍布花查照近題則例書冊
支給不得混淆猶照舊例以滋糜費

正統肆年本部題 准差去瓦剌地方官軍并馬

駝驢騾該支糧料照依上年事例給與每軍煤
炒伍斗月支行糧陸斗馬駝月支料壹石伍斗
騾每匹月支壹石貳斗驢陸斗俱在京關與本
色壹箇月其餘俱折布絹行移後軍都督府總
於 內府該庫關支

捌年都御史虞禎等奏本部覆

准宣府旗軍在衛月糧壹石內有家小者月支本色
陸斗折鈔肆斗夜不收并守墩軍再關行糧本
色伍斗共米壹石叁斗

拾叁年左都督楊洪題本部覆

准宣府右等衛所旗軍選充馬步隊沿邊管堡操備
餘丁每名月給口糧叁斗

景泰肆年都御史李秉題本部覆

准將萬全都司所屬衛所選揀在官舍人餘丁有馬
常川操練者照例關給口糧其無馬舍餘每年
自正月起至叁月終止給與口糧操備其餘務
農月日俱各住支遇有緊急聲息果妨農種照
舊給與口糧

伍年隆慶右衛後所旗軍祿保兒等奏本部覆

准將行糧肆斗并原衛月糧捌斗相併止關壹石隨
營按月造冊關支

成化拾年巡撫殷謙咨本部題 准新選操備屯
軍自選擇着伍之日為始給與月糧伍斗

拾玖年本部奏

准宣府各城選擇舍餘照在城例月支糧壹石

貳拾年司禮監太監懷恩傳奉

聖旨大同宣府修築墩臺架梁瞭哨防護等項并用
工官軍舍餘人等好生勤勞着余子俊同各巡撫
并總兵等官就彼官庫內銀兩每人給賞伍錢犒

勞用工的口糧還月加壹斗欽此

弘治拾壹年尚書周經題查得洪武初邊鎮惟有
本處屯田民糧供給只收本色其後邊事日繁
遂有山東河南北直隸地方輸運事例多是輕
齎銀物赴邊易買本色後因大戶攬頭包攬侵
剋乃遂定例官為收價米賤糴買准折月糧軍
民兩便今兵部既奏要将原收糧價不論米價
貴賤一槩照依原價支給不無虧官虧民合照
舊例每遇春間米貴放與本色秋間收獲照依
彼中時價放與折色其餘月分銀米間放若巡

撫管糧等官惟徇私受囑不照時價多添及放折色多過陸箇月之外俱聽本部查究

本年本部題 准行該鎮巡管糧等官以後往來迎送防護巡視等項雜差出外官軍俱不許擅自關支錢糧如違聽管糧等官徑自提問以侵盜官糧坐罪應叅奏者照例叅奏

各邊俱同

正德元年本部題 准將宣府北路獨石馬營青泉雲州鎮安鎮寧等堡孤懸口外及大同右衛霜早地寒為壹等每石比常量加折銀不過叅錢四海冶赤城龍門鵬鶚滴水崖金家庄并中

路葛峪等堡西路萬全左右懷安等衛沿邊洗
馬林柴溝堡西陽河大同左威遠平虜井坪懷
仁等衛所并貳鎮會城陽和天城為貳等每石
不過陸錢朔州應州渾源山陰馬邑蔚州廣昌
順聖川東西貳城保安懷來隆慶永寧為叁等
每石不過伍錢若遇年穀豐歉又聽各官斟酌
時價平準增減

本年鎮守官陳貴題本部覆

准行該鎮巡管糧等官今後果有緊急聲息調遣人
馬按伏截殺准於所在城堡關支糧草一面飛

報巡按御史月終將調遣人馬支用糧草數目造冊類奏遇有公差科道官前去本部行令覈實如不及百里不係緊急聲息不曾與賊對敵及趕回頭畜仍踵宿弊指稱按伏浪費錢糧者就便指實叅奏罪坐所由下月糧料仍於本城照數扣除

叁年都御史鄭琮題乞定該鎮官軍月糧折銀則例本部覆查得舊例北路每石柒錢中路西路宣府在城每石陸錢東路南路每石伍錢尋以郎中李誠議減每石槩折伍錢今議北路每

石柴錢中路西路每石陸錢在城每石伍錢東
南貳路每石肆錢奉

聖旨這宣府官軍月糧折銀准依會擬則例東西叁
路每石還加伍分務要及時給散使邊軍得沾實
惠欽此

嘉靖元年本部覆 准行巡撫管糧郎中會同計
處羅買糧料草束須照時估及相應於各緊要
城堡上納仍將見在官軍舍餘人等逐一精選
照例清查原支俸月口糧應住應減應革之數
分別明白其內外總鎮官員非有緊急聲急不

得動調主客兵馬按伏應援以致虛費糧草仍
令各官將舊占地土盡行退出造冊具奏
貳拾柒年總督翁萬達題本部覆

准今後動調兵馬給與行兵勘合經過倉場除抄謄
勘合字號外仍責千把總官各將該支總撒的
數赴本路叅將查無重冒鈐記封固各路赴管
糧通判州縣赴掌印官處查訖即發倉場放支
如有不由本管將官掛號掌印等官查發徑自
朦朧支給及容軍商在外兌支者錢糧不准開
銷官攢以受財枉法商人以侵盜官銀發遣把

總委官通同作弊一體拿問

叁拾壹年給事中李幼滋題本部覆

准將宣鎮官軍月糧俱照先年事例旗軍放支本色
月分有家小者給與本色捌斗隻身陸斗餘糧
及該支折色月分照舊折支至於征操馬匹俱
給本色全料不得仍前減折

叁拾貳年本部題 准每鎮編印空白勘合填
立主客兵字號每鎮各給貳百道發管糧郎中
主事收掌如遇該支官軍俸月糧賞及按伏截
殺應與行糧料草者各照主客字號填註即付

各該倉場照數支給完日收銷按季隨邊儲文冊繳部以憑查考用盡呈部另行印發其有不赴管糧郎中主事處關領本部勘合通行裁革本年本部題 准一應官下舍餘軍丁有願應軍者就開除本身尖丁銀仍發本戶夫丁貳名永為供丁各衛屯軍有願應軍者就將原納屯糧陸石准作本身月糧餘陸箇月關支月糧陸石遇閏加壹石永為定規

本年本部題 准各邊督撫等官清查鎮內官舍果係隨軍殺賊出百里之外者准與官軍一

體開支行糧如止跟官差用不得假以操練為
由一槩支糧坐耗軍資

本年本部題 准如遇征調按伏出百里之外
把總若係都指揮支廩給參升領軍頭目不分
指揮千百戶并旗牌官日支行糧壹升伍合事
宣截日住支違者叅治

本年御史蔡朴題宣鎮屢遭虜災軍士艱食本
部議將上半年量給本色叁斗者補給折色肆
錢伍分伍釐量給本色伍斗者補給折色玖錢
柒分伍釐至於馬匹料草亦量給本色肆斗折

色伍斗下半年折色亦要及時處給以便騎操
及查該鎮指揮鎮撫俸糧之外又有支米肆石
叁石官軍月糧之外又有多支月糧行糧布花
之外多支鞋脚銀兩終非法制合行巡撫會同
管糧郎中一體查勘

本年給事中李幼滋題宣府等鎮軍士馬匹月
糧料草全支本色較之額外多費銀貳百壹拾
陸萬捌千壹百兩零適今銀兩匱乏難以輕議
本部依擬覆 准行督撫等官查照舊例施行
叁拾叁年都御史陳儒題本部覆

准行各邊督撫將領等官自後果有緊急方許調遣
各衛所兵馬按伏防截出伍日及百里之外准
支行糧料草或曾經對敵雖在伍日百里之內
亦准支給都指揮把總等官照例日支廩米叁
升仍將各軍領出空日折支銀兩看驗明白給
散各軍敢有侵剋虧累者各以侵盜沿邊糧草
從重治罪

本年指揮李天爵等奏調赴懷來隆慶地方乞
將把總等官日支伍升管隊日支叁升以便防
守本部議前項廩糧已有定例難以槩加除把

總官足用外其管隊等官憫其一時入衛之苦
每員量准日支貳升

參拾肆年本部題 准令管糧衙門印編客字
號票貳百張送巡撫衙門收掌凡遇動調兵馬
各該領兵官即將官軍馬匹數目從實填入勘
合巡撫仍即將前收號票挨號填給壹張發各
領兵官親填帶領人馬若干或按伏或截殺并
經過住支幾日及軍士逃亡馬匹倒死截日住
支若干及開城堡倉場地地方明白填註回日即
時繳送巡撫處查考及行管糧官查對如有增

減名匹那移月日勘合號票兩不相孚者即係
侵冒巡撫管糧官輕則徑自發落重則奏奏處
治

參拾伍年御史李秋題本部覆 准將各營舊
用辦銀軍士盡行退出老弱革役精壯歸伍仍
申明包占嚴禁科歛不許將壯丁影射差占
參拾柒年總督楊博題議宣府礦兵本部覆

准除防秋肆箇月照舊給行糧外每月量加米伍斗
伍升為養贍家口之資准於主兵糧內動支其
鹽菜銀舊無此例並行裁革

肆拾伍年都御史冀鍊奏宣鎮主餉每石止折銀柒錢召買客餉每石須壹兩肆伍錢東南貳路屯米收積頗多主兵利於折色乞將主屯放客而以客銀放主互相調停本部議行督撫等官查將該鎮東南貳路收積主兵屯糧悉照所議如遇防秋動調客兵准令支給就將召買客餉銀兩放給主兵月糧每石柒錢照數補還務要計筭的確開支明白備立主客文卷以便稽查年終造冊送部查考

萬曆元年總督王崇古題尚書王國光覆

准以後標兵如常駐陽和將宣鎮客兵銀兩數內量
撥壹萬兩徑解大同或仍赴南山駐劄宣鎮改
撥大同銀兩即行停止

本年巡撫吳兌等題本部議通夷比邊軍已為
優厚而人數頗多必如巡撫所稱膽氣過人熟
識虜情的可優恤者方准支給其膂力知識未
必出眾應與軍士為伍者止照常支給不得混

收致滋冒濫

以上係
行月糧

景泰肆年本部題

准各邊官軍騎操巡哨等項馬匹料豆每年拾月初

壹日關支至次年肆月初壹日住支仍令各官
軍當秋初草茂之時各自採積預備喂飼遇有
調遣方許於所在支草喂馬

天順叁年本部題

准各邊總兵叅將內外等項官員馬匹料草則例凡
鎮守管領神銳總叅等官除奉

特旨關與馬匹料草外其餘但係官給印記馬匹每
年自拾月起至次年叁月終止俱照彼處操守
官軍馬匹一體關支料豆其內口若係

御馬監領去官馬洪武年間舊例不曾議載仍每

日支與草壹束有青草時月一體牧放止支料
豆若前項內外官員俱無官馬止有自己馬匹
亦於無青草時月支與肆匹料豆不及肆匹者
止照見有馬匹關給不許多報若有官馬肆匹
以上者自己馬匹不支料草貳匹以下者自己
馬匹止與貳匹料豆其帶去隨操官軍家人有
官馬亦照例支與料豆若非官馬不許關支

本年本部題

准行宣府鎮巡等官將操守馬匹料豆照元年奏

准事例自拾月起至次年肆月初壹日止月支壹石

若遇賊情緊急仍照都御史王宇

勅內事理馬壹匹月支料壹石貳斗以後俱照此例
關支

本年御史樊英題虜情緊急站馬瘦損不堪飛
報乞要每日量給料豆叁升草壹束本部覆

准令照操備馬匹例驗日每匹支料叁升草壹束事
宜照舊於肆月間住支

成化拾貳年邊撫放謙題本部議

准行各處撫按并管糧官員將各邊操守人馬或遇
警征調遠出軍馬許支行糧料草却將原關料

草住支其餘跟官在於該管地方往來巡視等項人馬俱不許妄支

嘉靖貳年總督臧鳳題北方地寒草芽遲發要將舊定拾月官軍馬料那於肆月關支本部覆

准將各鎮官軍馬料每年俱自拾壹月初支起至次年肆月終止自伍月初住支至本年拾月終止水為定規

叁拾貳年總督蘇祐題每年拾貳月正貳叁月每月於防秋草內每馬昔支拾束後柴捌玖拾月草賤之時每月每馬少給拾束以補前借奉

部覆。准馬匹添支草束舊例有礙咨行督撫等官查勘各路牧馬草場究取下落地方令騎操馬匹夏秋趁時牧放及採積草束以備明春之用有警調兵方支防秋草束事竄截日住支萬曆元年總督王崇古題宣府鎮主兵馬匹芻料不敷乞要於原額半年之外再行加給本部議行督撫等官將該鎮主兵馬匹料草除正支外每歲每馬原有加給貼料銀陸錢今於客餉內再照該鎮時估連前銀陸錢通共補足壹月之數不得另行全給以後馬匹但有調遣按伏支

領行糧料草前項加給即行住支不得援為定規

參年總督方逢時題本部覆

准行督撫等官將在市馬匹候立場完日定擬數目合用料豆准於積餘客餉內動支陸箇月其草束如果採積秋青可足冬春之用不必另給若有不足量議幫補每年每馬不得過參箇月玖拾束草之數兌軍變賣倒死等項隨即開除

係料草

修邊

嘉靖貳拾陸年兵部咨宣府創修邊牆合用工費
乞要將堪動銀兩給發本部議修邊銀兩先該
都給事中李綸題 准不許那借今既奉有
明旨合於太倉庫內照數動支運發

叁拾年兵部咨宣鎮修補邊牆合用銀兩除上
年修邊餘剩及糧草作銀外尚少貳萬捌千柒
百伍拾壹兩零乞要給發本部議前項銀兩原
係戶兵貳部通融措處並無本部獨給之理乞
勅兵部以後遇有前費須要會同本部議處不得擅

題自取便利奉

聖旨是銀兩查給發欽此

肆拾壹年本部題

准以後凡遇奏討修築銀兩兵部會同本部行查應
修某處原係何人修築何官管理因何倒塌如
有前官修築不堅罪坐所由查勘明白方准修
理先儘該鎮贓罰及無礙銀兩轉用其餘不敷
之數以十分為率戶部暫出銀柒分兵部暫出
銀叁分仍令各該督撫將修完某處用銀若干
冊送部查考如有冒破聽本部與該科指員

叅奏

隆慶元年准兵部咨該總督王之誥題宣府修邊募軍該用銀壹萬伍千兩本部議督撫所討銀兩內除伍千係募軍原該兵部出辦外其壹萬兩合無以叅柒分出辦本部該銀柒千兩於太倉銀庫照數動支運發仍行兵部自今以後如遇奏討修邊銀兩先儘該鎮贓罰及無礙銀兩撥用其餘不敷之數以十分為率戶柒兵叁仍行督撫將修完某處用銀若干造冊送戶兵貳部查考奉

聖旨這給發邊費銀兩你每既會議停當今後都着查照行不許推諉悞事欽此

萬曆元年閏視侍郎吳百朋題修築宣府北路內邊合用口糧於客餉內支給本部議該鎮修築邊堡上年動支客餉之數已屬過多今又修築北路內牆復議支糧捌千捌百餘石似不可以為常但稱係關重地合准於就近城堡倉貯客餉數內照數動支

叁年背撫方逢時等題宣府應修上西等路城堡營寨及土石邊牆乞查照戶柴兵叁事例又

給口糧尚書王國光覆合用口糧先儘見在修
工支剩客餉支用不敷者准於客兵陳糧內補
給叁萬肆千壹百壹拾陸石工程錢糧聽巡按
御史覈實及報部查考奉

聖旨是邊工務着實堅久如苟且求速勞費無益這
完報期限依兵部議行欽此

伍年總督方逢時題修築沿邊墩垣軍夫合用
口糧叁萬叁千捌百貳拾壹石零尚書殷正茂
覆

准將本鎮積貯客兵本色米稍陳者照數支用

崇年總督吳允題要將宣鎮北路地名長伸處
所創建壹堡并敵臺城等項合用工夫口糧
尚書張學顏覆

准於龍門所滴水崖寧遠堡參倉積貯客兵糧內動
支伍千貳百柒拾肆石貳斗伍升伍合分撥工
所聽給口糧支用

捌年督撫鄭洛等題稱宣府下西路李信屯中
路青邊口貳堡原係土牆今議磚包合用口糧
壹萬玖百玖拾肆石壹斗貳升貳合并張家口
塞口貳鋪等處土石牆垣今軍夫併修合用口

糧壹萬叁千叁百伍拾石尚書張學顏覆

准將該鎮積貯客兵本色米糧在附近修工倉口挨
陳照數聽給軍夫支用

倉廩

宣府在城倉

獨石城倉

馬營堡倉

雲州堡倉

赤城堡倉

鎮安堡倉

青泉堡倉

松樹堡倉

君子堡倉

貓兒峪倉

上堡倉

伴壁店堡倉

龍門城倉

鷓鴣堡倉

三岔口堡倉

鎮寧堡倉

金家莊堡倉

上安嶺倉

牧馬堡倉

樣田堡倉

滴水崖堡倉

萬全右衛倉

張家口堡倉

膳房堡倉

新開口堡倉

萬全左衛倉

寧遠站倉

柴溝堡倉

洗馬林堡倉

渡口堡倉

西陽河堡倉

李信屯堡倉

懷安堡倉

葛峪堡倉

大白陽堡倉

小白陽堡倉

趙川堡倉

青邊口堡倉

常峪口堡倉

羊房堡倉

懷來城倉

沙城堡倉

鷄鳴驛

保安新城倉

保安舊城倉

岔道城倉

延慶州倉

永寧城倉

四海冶倉

靖胡堡倉

周四溝堡倉

黑漢嶺堡倉

東城倉

土木榆林二驛

西城倉

蔚州城倉

廣昌城倉

深井堡倉

黑石嶺堡倉
萬億倉

龍門所倉

南山倉
東倉
西倉

職儲

正統拾叁年備禦韓政題留山東叅議尹聰仍舊
整理文書給散獨石等處軍士花布官軍折支
鈔錠椒木

拾肆年添設郎中壹員總理宣府糧儲

天順貳年都御史王宇題添官提調倉場本部覆
准行移吏部於保安隆慶貳州添除判官貳員聽巡
撫郎中分定倉屬監督收放

伍年都御史韓極題蔚州衛草場梁頂起火延
燒浥爛穀草壹拾玖萬餘束本部覆

准行撫按官密切體訪及將千戶郝麟庫役岳住等
提究情由照數追究具奏將為首之人斬首以
警其餘

成化貳拾年管糧郎中汪洪呈稱於張家口堡倉
西陽河堡倉張家口堡草場西陽河堡草場洗
馬林堡草場添設大使攢典各貳員名本部依
擬題 准

弘治貳年郎中趙潤題萬全都司所轄新城馬房
倉場兼管洪州舊堡倉場保安州所轄趙川堡
倉兼管大小白陽貳堡倉葛谷堡倉兼管青邊

常峪貳堡綠倉場地里相去甚遠俱係邊境且糧草數多合添設官攢專一管理本部覆

准

肆年本部題 准行宣府各總兵務各仰體

朝廷重惜邊儲之心不許聽信遊擊等官貪圖折支肥己無大警急輕發人馬以致邊餉匱乏

拾年左侍郎劉大夏咨該鎮糧草調度主於郎中添設主事乞要革除本部覆 准

拾伍年御史王獻臣奏要盡革管糧判官吏目添設通判本部會同吏部覆

准除授通判捌員銓註真定保定河間大名等肆府
令其前往宣府各倉場專一監督收放

本年給事中陳伯獻奏凡燒燬草束數多俱要
追究犯人的確不許一槩將監收官員問罪及
朦朧委之天火其監臨總督官員果有平時故
縱偷盜等情臨期掩蔽者一體治罪本部依擬
覆 准

本年都御史劉聰條奏今後各該倉場官攢經
收草束務要算發伍年以上如放支未盡者即
准申達巡撫管糧衙門於春冬缺草時月或准

折附近城堡官軍馬料或從時減價變賣於人
或聽人借貸減半易新每年各計所積支銷伍
分之壹務在拾年以裏支銷盡絕官攢方准起
送其支銷之數就行召補交與新任官攢守支
不許援引別例朦朧起送本部依擬覆 准

正德元年本部題

准各倉場收受粟米不拘年歲豐歉俱收九一成色
若是將三七二八粗米及揀和糠粃等弊事發
從重問擬

貳年鎮巡等官陳實等題宣府錢糧浩大乞要

存留添設分巡官員本部覆

准咨行吏部將原裁革添設山西按察司僉事照舊
另選壹員前去管理

嘉靖貳拾壹年添設總督大臣

貳拾貳年總兵周尚文題乞將賊經衛所州縣
城堡各備熟食破料細草得銀叁拾萬兩方足
支用本部議總兵原理戎務錢糧毋得干預今
肆意煩

瀆尤恐他日以為委罪之所覆 准

貳拾肆年御史陳豪題宣大貳鎮互相欺盜容

兵駐劄或半月壹月冒破兩月糧草或數止或
叁千冒破肆伍千糧草或左衛調右衛或前堡
調後堡希支行糧用藉侵冒及收山西歲運年
例銀兩每百加收耗銀不下伍兩叁兩不知作
何支銷乞行查盤科道用心清查以祛積弊本
部覆 准

本年給事中鮑道明題查復宣大等處總督軍
餉侍郎壹員本部議宣大等處原未設有總督
軍餉侍郎止是總督軍務大臣兼理若遇邊患
緊急暫差大臣壹員整理事務具奏回部近因

虜勢重大本部議題差侍郎趙廷瑞前去總督
事務實一時應變權宜緣自添差總督軍餉侍
郎兵馬錢糧遂分為二互相掣肘彼此推避已
經取回復難更易

貳拾伍年總督翁萬達題本部覆

准以後宣鎮郎中主事守巡等官監收銀兩原以此
天平法子收入者即要以此天平法子放出敢
有多收減放致干物議者聽巡按御史指名奏
劾其京運委官解到太倉銀兩巡撫會行管糧
郎中主事公同守巡查照原給號簿秤收如有

附餘照舊依律作正支銷今後一應客兵錢糧俱管糧
俱巡撫衙門出給勘合一應主兵錢糧俱管糧
郎中出給勘合其行糧料草仍入客兵之數
叁拾壹年郎中范克濁呈通判等官催徵糧料
完不及時乞重加懲警以戒玩愒本部題

准以後如遇比較屯田開中引鹽須親會撫按督同
守巡該道嚴督都司衛所官員及監收通判自
上而下以次施行衛所見徵子粒仍有拖欠不
完者照分數叁分者管屯官住俸監併的親家
屬至伍分以上者叅問各衛掌印官并都司管

屯官亦照例住俸監併壹年之上不完者革去見任因而侵欺者比照私役軍人事例伍分以下者降壹級以上者降貳級秋青草束仍要足數採辦與同屯田一體比較若都司衛所官吏旗軍恃頑不行完納者拏問叅奏悉如舊例

本年查盤宣大給事中李幼滋題本部覆

准以後收受糧斛不許濫委武職及經歷知事等官止許管糧郎中督責通判及州縣正官立限比較如違管糧郎中會同巡撫叅奏今後倉場有犯不拘常人監守但有盜銀伍百兩糧壹千石

草壹萬束以上者監臨主守通判等官降壹級
盜銀壹千兩糧貳千石草貳萬束以上者降貳
級俱問罪送吏部調用甚至盜銀貳千兩糧肆
千石草肆萬束以上者問擬故縱罪名罷職不
敘

參拾貳年管糧郎中范充濁呈西路通判沈仲
熙原領過參拾年防秋銀兩放剩銀捌百伍拾
玖兩零開作修邊支剩乞照原議仍備參拾貳
年防秋支用及要將通判提問本部依擬覆

准

參拾柒年宣府管糧郎中冀鍊等呈山東河南山西并北直隸拖欠宣府大同糧草布花腳價等銀乞要照參拾肆年差官催償各省錢糧事例嚴為催解以濟缺乏本部題差催償奉

聖旨官不必差吏部將各布政司管糧官職名查明開具奏來所欠錢糧責令追徵完報十分之七方許陞任欽此

本年給事中劉一麟題本部覆

准今後兩防事畢務要休兵恤民一應公宴盡行停免如有仍前糜費者聽巡按御史指名叅究或

督撫隨宜設宴以勞有功將士不在此限

本年給事中劉一麟題本部覆

准將主客貳項錢糧今後俱屬郎中管理如遇召買會同巡撫督同守巡兩道估計明白行各路通判等官領銀召商羅買管糧郎中另置稽考客兵邊儲文簿填寫款目照依主兵邊儲例按季差人齋簿倒換稽查

本年給事中劉一麟題本部覆

准將宣府分守口北道叅議請專

勅壹道齋付本官每年冬春貳季邊警無事於拾月

離鎮前赴山西地方駐劄會同該道守巡等官
分投立限催徵新舊錢糧限次月回鎮料理防
秋事宜倘遇冬春或有警報馳回料理

肆拾叁年本部題遵例差官查盤邊儲以清姦
弊奉

聖旨是 查盤邊儲只着各該巡按御史兼管寫勅
與他欽此

肆拾肆年本部題

准行移各邊督撫等官將該鎮主客錢糧逐一悉心
查核其客兵項下果係百里以外方支行糧非

關應援之急勿輕調遣本營各自為守不必更
調偵探務要的確防撤以時其上邊應調兵馬
若干該用本折若干除鹽引外每歲應發年例
若干大約較數歲之中以為一定之額

隆慶元年

內閣傳奉

聖諭朕看戶部奉內稱九邊年例軍餉壹年解去太
倉銀多少各省解去多少卿等看了備細開來不
許混寫欽此隨該尚書劉體乾查將各鎮歲入之
數開列具題奉

聖旨這歲發銀兩數多臣下全無為國體恤還有別項的且不查究欽此

萬曆貳年本部題查得隆慶伍年該都察院題各處查盤舊例伍年壹次失之太踈壹年壹次失之太數以後合無以叁年壹差應差御史即准巡按題奉

穆宗皇帝聖旨是今照萬曆貳年已經叁年照例題差查盤奉

聖旨是這邊儲着各該巡按御史帶查不必另差欽此

臣等謹按宣府藩屏

京陵最稱重鎮

國初自屯種熬青外益以民運芻粟可支數年後
因虜患頻仍屯政漸廢於是增引鹽增年例而
所費視昔不啻數倍邇來虜酋納款邊境晏如
清理屯糧幾復原額而每歲請發不減往時雖
客餉頗有所積而修邊撫夷又取給焉若嚴虛
糜之禁殺士馬之實守互市之額督撫諸臣以
心節縮京運或少減於往日也